



e-bilten

OPĆINA TEŠANJ

www.opcina-tesanj.ba

e-mail: fuad.sisic@opcina-tesanj.ba

Ponedjeljak
Broj 51

21.03.2011

1. Promjene u Vijeću
2. Plasman obveznika
3. Novi objekat na mjestu starog zvanog „Katanga“
4. Nova Vlada ZDK
5. Čišćenje putnih pojaseva

Ukoliko želite da se prijavite za primanje ovog biltena možete učiniti tako što ćete poslati e-mail na sljedeću adresu: fuad.sisic@opcina-tesanj.ba. Molimo vas da ovaj elektronski bilten prosljedite svim zainteresiranim u našoj općini. Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću. Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

Promjene u Vijeću

Ne misli šta govori, pa govori šta misli

Još početkom ovog mandata naše lokalne vlasti, jedan moj prijatelj je prokomentarisao nastup jednog od vijećnika: **Ne misli šta govori, pa govori šta misli!** Nakon više od dvije godine, posljednja sjednica Općinskog vijeća je, po ko zna koji puta, potvrdila tu konstataciju. Šta više, sve je više onih koji to koriste. U javnom djelovanju, u javnim istupima, bilo bi potrebno i korisno zadržati minimum poštovanja sebe i drugoga, i onda kada se apsolutno sa nekim ne slažemo. Protekla sjednica je privukla, usudujem se konstatovati, najveću pažnju novinara i javnosti od početka mandata do danas. Veću pažnju od usvajanja prostornog plana, strateških opredjeljenja, dugoročno važnih odluka i donošenja godišnjih budžeta. Od svega toga što znatno utiče na život naših građana, važnijim i interesantnijim se pokazalo pitanje ko će predsjedavati sjednicama Općinskog vijeća, ili ko više neće predsjedavati tim sjednicama?!

A predsjedavajući općinskih vijeća je prvi između 25 vijećnika u slučaju Tešnja, on predsjedava sjednicama, daje i oduzima riječ shodno poslovničkim odredbama, usmjerava tok sjednice i potpisuje akte vijeća. Predsjedavajućeg bira općinsko vijeće iz reda vijećnika, nadpolovičnom većinom glasova. Svaki vijećnik, prema Statutu Općine Tešanj može biti biran na ovu dužnost, bez obzira na nacionalnu ili stranačku pripadnost. Istina, može biti i smijenjen na isti način – nadpolovičnom većinom glasova. Pozicija predsjedavajućeg je, prije svega, izraz političke volje nadpolovične većine u skladu sa procedurom. To je elementarna demokratska procedura, ona je logična i uobičajena svugdje u svijetu. Bez obzira na to da li se nadpolovična većina nekome sviđa ili ne sviđa. Jedno vrijeme je nadpolovična većina u Općinskom vijeću Tešanj bila na čelu sa SDP-om (SDP - 6, SBiH - 4, BPS - 4 =14 vijećnika), i ta većina je izabrala g-dina Kaseru. Sada se formirala druga većina u Vijeću sa SDA na čelu (SDA - 11, BPS - 4(+1)=15 (16)), što je za nijansu veći kapacitet u odnosu na prethodnu većinu. Jedan više kod BPS-a je zbog činjenice da je jedan vijećnik SBiH prešao iz ove stranke na stranu BPS.

A šta smo čuli za govornicom i u izjavama za javnost:

1. Vedrane i ti Dijana, možete ići iz Tešnja, po ovome vama nema



ovdje mjesta!?

2. Stigla je naredba iz Sarajeva '94 da napadnemo Sivšu i Omanjsku, pa rahmetli Muhamed to nije dopustio!?
3. Ovdje je povrijeđen ustav i zakon, jer Hrvat mora biti predsjedavajući!?
4. Ugrožen sam kao Bosanac i član SDP-a!?
5. ...

Vidite dokle doseže nepromišljenost, u političkoj borbi koja u svojoj naravi treba da ima cilj dobra za zajednicu, a upravo se u toj političkoj borbi nanosi šteta toj istoj zajednici. Ta šteta se ne ogleda u tome je li neko u pravu ili nije, ili je li to dobra odluka ili nije, nego u izjavama koje su potpuno neprimjerene. Ako neko smatra da mu je nanesena šteta zbog legalnih i proceduralnih manjkavosti, to se ne ispravlja izjavama za javnost nego pokretanjem određenih pravnih radnji pred nadležnim organima. Ako neko smatra da do nije politički dobra odluka, onda postoji dostojanstven način da se to javno iznese. Kako je moguće da proceduralno uobičajen demokratski rezultat može proizvesti toliko žuči, neistine i pomalo hysterije („naredba iz Sarajeva da se neko napadne???”), ili da se nekome kaže kako mu je gubitak funkcionerske pozicije poruka da napusti ovu sredinu, ili da je povrijeđen kao član stranke iz opozicije jer više nije u poziciji, ili da je povrijeđen kao **Bosanac i Hercegovac jer je sminjen sa funkcionerske pozicije**), i što niti je prvi a ni posljednji (na žalost, ako će biti lakše) kome se to dogodilo i kome će se dogoditi.


A Statut Općine Tešanj u sadašnjem tekstu je usvojen jednoglasno na sjednici Općinskog vijeća 27.12.2007. godine. Tada SDP nije ustao u borbu i tumačenje da se Sivša, Omanjska, Žabljak i Vitkovci (iako više nisu u sastavu općine Tešanj) uključe u nacionalni sastav u pogledu pozicije općinskog načelnika i predsjedavajućeg vijeća. Nisu ni pomenuli, nego su glasali ZA kao i svi drugi vijećnici. Nije ni bilo stvarnih razloga da se drugačije ponašaju, kao što nema ni danas. Danas postoje uskostranački interes koji se izdiže iznad interesa zajednice, čak ne preže da ustavnu bošnjačku poziciju oslabi, ako bismo gledali na ove pozicije kako ih danas tumači SDP! **U Tešnju svako može biti općinski načelnik ko dobije najveću podršku građana na izborima, i svaki od izabranih vijećnika može biti predsjedavajući bez obzira na nacionalnu ili stranačku pripadnost. Ali niko ne mora biti na tim dužnostima zbog svoje stranačke ili nacionalne pripadnosti!**

Plasman općinskih obveznica

Općina Tešanj prva u FBiH

Općinsko Tešanj prva je u Federaciji BiH koja je odlučila emitovati obveznice. Iako skroman iznos, pola miliona KM, više kao pilot projekat kroz koji bi sagledali dobre i loše strane, provjerili povjerenje koje investitori imaju u Općinu Tešanj a onda krenuli dalje. Interes koji je javnost pokazala za ovu emisiju obveznica je izuzetan, tako da je ovo bila i svojevrsna pozitivna promocija Općine Tešanj na širem planu. Istina, kako se moglo čuti u nekim komentarima, to se od Tešnja i očekivalo zbog općeg dojma o izuzetnoj poduzetnosti tešnjaka - ljudi koji ovdje žive, o tome da su pozitivan primjer u mnogim oblastima. Općina Tešanj je potvrdila svoje opredjeljenje da brže realizira prioritete, koristeći različite





mogućnosti, a bila je to i svojevrsna promocija koncepta po kome Općina Tešanj ne želi uzimati novac investitorima, naprotiv. Općina Tešanj želi osigurati poželjan ambijent za investitore sa krajnjim ciljem da neuposleni dobiju priliku za nova radna mjesta.

Novi objekat na mjestu starog zvani "Katanga"

Započeli radovi

Lokalna vlast je, u vrijeme ulaska u veliku ekonomsku krizu koju je zahvatio cijeli svijet, donijela hrabre odluke i krenula ka javno-privatnom partnerstvu kako bi iskoristila pogodne lokacije za investicije privatnim kapitalom, promijenila izgled grada i unijela nove sadržaje i mogućnosti. Nakon dvije godine, kada je u najvećem broju općina u Bosni i Hercegovini smanjen nivo investicijskih aktivnosti jer je pad prihoda smanjio kapacitet javne uprave, u Tešnju se ipak nešto radi a građevinska operativa se održala. Nakon radova na kompleksu "Musala" koji ulaze u završnu fazu, započeti su radovi na objektu porodice Hukić u samom centru (Općina je posredovala javnim pozivom zainteresovanim investitorima, a porodica Hukić postigla sporazum), a položen je i kamen temeljac za novi objekat zgrade "Katanga". Ovaj posljednji je prvi iz urbanističkog sadržaja Vrata grada 1, koji predviđa izmijenju sliku raskrsnice preko puta ovog objekta kao i radove na samoj stijeni s desne strane na ulasku. Sve ovo će ovisiti o izmiještanju Elektro distribucije sa sadašnje lokacije, ali još uvijek nije pronađen nova prikladna lokacija.

Istovremeno, g-din Mehmed Krkalić je bio veoma poduzetan i kupio privatno zemljište preko rijeke, a onda zajedno sa Općinom finansirao urbanističko rješenje Vrata grada 2 koje je Vijeće jednoglasno usvojilo. Kako Općina Tešanj ima trenutno druge prioritete, a most preko rijeke kao i uređenje korita su javni objekti, i građevinska dozvola je na Općini Tešanj, Mehmed Krkalić je pristao da u ovoj fazi sam finansira potrebne radove kako bi se izgradnja kompleksa preko rijeke odvijala bržom dinamikom. Očekuje se konačno i rješavanje pitanja novog vlasnika za autobusku stanicu, kroz stečajni postupak, kako bi is a novim vlasnikom razgovarali o uređenju autobuske stanice u skladu sa usvojenim rješenjem. Istovremeno, potpisani su ugovori za izgradnju trajnih objekata u skladu sa urbanističkim rješenjem na mjestu privremenih objekata ispod Dom zdravlja, čime bi i ovaj dio priveli krajnjoj namjeni do sredine naredne godine. Kako je pripremljen nacrt urbanističkog rješenja za centar Jelaha, može se s pravom očekivati da do kraja godine dođemo do partnera i za najveću investiciju u samom centru Jelaha.

NOVA VLADA ZDK

A u Vladi jedan "stari" minsitar

Iako sporo, ipak ne prekasno, dobili smo novu Vladu ZDK:

1. Premijer: **Fikret Plevljak**
2. Ministrica Ministarstva finansija, **Amra Babić**
3. Ministar Ministarstva za privredu, **Jusuf Duraković**
4. Minsitar Ministarstva za pravosuđe i upravu, **Miroslav Penko** (iz prethodnog saziva)
5. Ministar Ministarstva unutrašnjih poslova, **Rifat Delić**



1. Ministar Ministarstva za prostorno uređenje, saobraćaj i komunikacije i zaštitu okoline, **Raif Seferović**
2. Ministar Ministarstva za boračka pitanja, **Suad Omerašević**
3. Ministar Ministarstva za poljoprivredu, šumarstvo i vodoprivredu, **Samir Selimović**
4. Ministrica Ministarstva za obrazovanje, nauku, kulturu i sport, **Bernadeta Galijašević**
5. Ministrica Ministarstva zdravstva, **Senka Balorda**
6. Ministar Ministarstva za rad, socijalnu politiku i izbjeglice, **Mirko Trifunović**

Obzirom na činjenicu da smo dobili, gotovo u cjelosti i novi personalni sastav Vlade, očekivati je inovirani pristup u mnogim područjima. Ako novi ministri iskoriste energiju, znanje i motivaciju, onda će prvih mjeseci morati raditi mnogo više nego što to formalno radno vrijeme zahtjeva, moraće mnogo više biti rukovodioci i menadžeri a mnogo manje kandidati svojih političkih stranaka. Ako se to ne dogodi, ako se ne dogodi takav pristup poslu, administracija će nastaviti po sili inercije kojoj se nijedan ministar na čelu sa Premijerom neće moći oduprijeti. Psihološko stanje promjene je prilika, i ako se propusti, vremenom će sve biti manje šansi. Sretno novoj Vladi, i daj Bože da urade sve što bude u njihovu mogućnosti. Više od toga ne treba ni očekivati.

ČIŠĆENJE PUTNIH POJASEVA

Čišćenje putnih pojaseva

PREGLED PO ŠKOLAMA				5.1.2011	2.2.2011	16.2.2011	23.2.2011	9.3.2011	16.3.2011
Br.	Suma	Naziv škole	Mjesto	kg	kg	kg	kg	kg	kg
1	1340	"Rešad Kadić"	Krnđija	291	308	338	30	178	195
2	613	"Huso Hodžić"	Tešanj	42	176		180		215
3	582	"1. Mart "	Jelah		214	248	120		
4	532	"Džemal Bjedić"	Miljanovci			312	220		
5	506	"Abdulvehab Ilhamija"	Kalošević			186		320	
6	442	"Gazi Ferhad-beg"	Jablanica			442			
7	407	"Kulin Ban "	Tešanjka			96		311	
8	209	"Mustafa Muhić"	Šije					209	
9	142	"9. Septembar"	Medakovo					142	
1	66	"Musa Čazim Čatić"	Tešanj	42		24			
2	24	Srednja Tehnička Škola	Tešanj			24			
3	0	Srednja Mješovita Škola	Tešanj						
	4863	SUMA		375	698	1670	550	1160	410

Najuspješnija akcija u Bosni i Hercegovini, kao primjer dobre prakse, u području zaštite okoline i izgradnje eko-svijesti kroz djelovanje velikog broj sudionika je nesumnjivo tešanjaska akcija prikupljanja PET ambalaže. Ali kako se dobri primjeri čuju daleko, što raznim organizovanim oblicima informisanja, a što neumornim i istrajnim djelovanjem i informisanjem našeg sugrađanina Šefketa Turalića, to nas sve skupa obavezuje na dodatni angažman, i dodatne akcije.

Pored redovnog proljetnog jednokratnog čišćenja, ove godine počinjemo akciju čišćenja svih putnih pojaseva i javnih površina u koju su, pored Općine, uključeni građani, privrednici, djeca iz mekteba (po odluci Glavnog imama Medžlisa IZ Tešanj) kao i firme koje inače grade i održavaju putnu infrastrukturu. Naravno, ovo neće biti jednokratna godišnja akcija, nego ima za cilj da kao sljedeći primjer dobre prakse postane stalni mehanizam koji će periodično očistiti sve što neodgovorni vozači izbace kroz prozore svojih vozila, ili vjetar donese. Kada postoji društveni angažman i uključenost svih, dobre akcije su ipak moguće.



SRETAN 04. APRIL –
OPĆINSKI PRAZNIK:
DAN OTPORA
FAŠIZMU



PRED ČATIĆEVIM
MEZAROM

*Isti je nišan nad nama
samo je tvoj bolji
svijet*

Amir Brka

Općinski načelnik
Fuad Šišić

